

Cá talamh duit, a bhráthair?

[Knott, E.: *The Bardic poems of Tadhg Dall Ó hUiginn*, Irish Texts Society 22-23 (1922, 1926), poem 38]

1 Ca talamh duit, a bhráthair?
dona grásuibh bheith umhal;
innis sgéala gan aincheas,
nách beam i n-ainbhfeas umad.

2 An cuid dod riaghail chrábhaidh?
léara, a bhráthair, is innis -
créad tug do bhróga fallán,
is h'atán do bheith briske?

3 D'éis ar shiubhlais do roide,
a bhráthair choisflich chalma,
iongnadh leam gloine t'asán,
is h'atán lán do shalchar.

4 An raibhe id riaghail chrábhaidh,
a bhráthair ó chrích Connacht,
cruas do bhróg agus t'asán,
is h'atán do bheith robhog?

5 Dar leam ní fhaicim éanlocht
ar t'éadach fada fallán,
a bhráthair chroidhe cheóilbhinn,
acht nách fiú feóirling h'atán.

6 Idir chóta agus chaipín,
idir aibíd is asán,
tar gach éanchuid dod chuladh
ní maith do cumadh h'atán.

7 Ní dot aibíd atámid,
a bhráthair as díol masán,
féach id dhiaidh is féach romhad,
mar tá brollach ar hatán.

8 Th'atán, a mhacaoimh léighinn,
gi bé i nÉirinn ór gadadh,
ní hatán duine dhílis
bhíos dá shírreic i bhfalach.

9 Ní hé a chuma go lochtach,
ní hé olcus a dhatha,
tug gan a dhíol san Chabhán,
acht é 'na atán ghada.

10 Beith 'ga bhélreic, a bhráthair,
is tríd tánaig do mhilleadh;
baile so i ndéantar nathán:
“mairg tug hatán go Sligeach.”

11 Fulang gada do bhráthair
ní do ghnáthaibh an Iarla;
dá seóltar tú 'na dhathán
biaidh an t-atán go riabhach.

12 Maith do léine agus h'ionar,
deas do shiobhal ar chlachán,
's is álúinn fós do mhatal,
's is olc ghabhus tú h'atán.

13 Créad do-bheir th'aibíd goirid,
's th'fhalluing go noige do shálaibh,
agus h'atán fliuch fada,
ca talamh duit, a bhráthair?